

續  
文  
獻  
通  
考

續文獻通考卷之一百三十二

皇明進士雲間王圻纂輯

王禮考 國恤下

皇太子喪禮

太祖洪武二十五年 上以 皇太子新薨欲停祭祀而時享在邇復 命禮部右侍郎張智翰林學士劉三吾等以郊 廟合行典禮參攷古制智等奏議天地社稷先師太歲風雲雷雨嶽鎮海瀆諸神皆係祀典神祇歷代帝王乃是紹承統緒宜如宋真宗事例不廢常儀惟太廟乃 祖先神靈所在 國既有喪而時享仍用樂恐神不樂聽亦宜備而不作 詔從之

世宗嘉靖十二年定哀冲皇太子祭塋儀 先是秋八月

二十五日 皇長子生 詔赦天下 皇長子 麗嬪

閻氏出十月十日以疾薨禮部議祭塋禮時查照成化

八年 皇太子薨事例謂 皇長子誕生甫及三月尚

未 冊立禮宜從殺 上曰朕長子既未 冊封况

聖母在上舊儀不宜用再着擬來看時尚畫夏言查得

弘治九年二月二十日蔚悼王薨照依 憲廟皇子并

忻穆王薨事例輟朝二日祭祀壇數并殯塋儀俱照

成化二年 皇子喪禮行從之其禮儀從是月十三日

至十四日止輟朝二日不鳴鼓鍾 上御奉天門淺淡

服色從事文武百官青衣烏角帶朝參聞喪之日 御

祭及 昭聖皇太后 章聖皇太后 莊肅皇后并  
中宮各祭一壇俱用素羞遣內官行禮朝夕仍設素饌  
于樞前發引又 御祭及 皇太后 皇后 中宮各  
祭一壇亦俱用素羞遣中官行禮及葬 上御祭一壇  
亦素羞遣中官行禮翰林院擬奏封號并撰祭文壙誌  
工部差官一員料墳塋享堂房屋等凡百日周年二周  
年每次 御祭及 憲廟皇妃 昭聖皇太后 章聖  
皇太后 莊肅皇后 武廟皇妃 中宮各祭一壇  
公主共祭一壇 是月二十六日 勅禮部朕今歲仲  
秋生第一子卽五旬而亡雖在弱齡宜從重長昨已卽  
內殿聞命于 祖宗皇考 冊以 太子之名加謚曰

哀冲以言其哀思冲弱之意 二十八年定 莊敬太

子喪禮 一聞喪第四日成服 皇上遣祭一壇 母

妃祭一壇 裕王 景王共祭一壇 公主共祭一壇

內宮內使其祭一壇 東宮六局官共祭一壇 一文

武百官自聞喪次日爲始具素服烏紗帽黑角帶于本

衙門宿歇至第四日早具齊衰服不杖赴南城 明德

宮候大殮畢舉哀行四拜禮仍共舉祭一壇 一每七

百日 皇上遣祭一壇 母妃祭一壇 裕王 景王

共祭一壇 一自聞喪次日爲始輟朝不鳴鐘鼓十日

止 一聞喪第五日百官素服烏紗帽黑角帶詣 西

角門行奉慰禮退易布裹紗帽經帶麻履于各衙門辦

事通前成服日爲始十二日而除在京軍民人等各素服十二日而除禁屠宰五日聽選辦事官吏監生僧道耆老人等俱于成服日起順天府舉哀行四拜禮官具衰服監生人等具素服 一翰林院撰祭文光祿寺辦祭物 一各王府直隸各布政司等處禮部請 勅差官計告 一諸王及世子 王妃郡主以下聞訃次日具素冠服舉哀行四拜禮畢服十二日而除 一在外文武官員人等聞訃次日各具衰服舉哀行四拜禮畢易素冠服經帶麻履十二日而除其各王府及天下文武衙門俱免進香 一謚冊先期題請 欽定大臣二員克正副使行翰林院擬請謚號知謚冊文謚寶

文壙誌文祭告文并各衙門造辦謚寶誌欽天監擇吉先期一日遣大臣告于太廟寢內侍官設節

冊寶案于皇太子靈樞前至日早鴻臚寺設節

冊寶案于奉天門稍東百官青衣黑角帶侍班

正副使各就拜位候序班舉節冊案至丹墀中道置

定鳴贊贊行五拜三叩頭禮畢序班舉案正副使後隨

由左順中門至明德宮內侍預設素饌于皇太

子靈樞前正副使捧節冊寶置于案就位上香

贊宣冊寶太常寺堂上官立宣訖復置于案贊禮畢

正副使捧節復命次日勅諭禮部以賜謚頒

示天下照例差官齎捧一安塋先期擇日遣工部室

上官祭告啓土 一發引先期 命大臣一員護喪一員題 主各衙門堂上官題請各一員照例率領所屬送喪欽天監差官二員前去候時工部搭蓋各處席殿前一日起禁屠宰三日遣官一員以葬期告于 太廟寢內命婦告于 孝烈皇后几筵及遣官祭告經過各門橋司禮監錦衣衛官提督執事者設 靈輿謚 冊寶輿并真亭儀伏于 明德宮門外設方相冥器于 北安門外以俟是晚 皇上遣祭一壇 母妃祭一壇 皇妃共祭一壇 裕王 景王共祭一壇 公主共祭一壇俱遣內官行禮至日文武百官布裹紗帽素服經帶麻屨候于 北安門外步送至西直門外祭畢卽



回其分送入山官員俱免辭 朝步送出西直門騎送至墳所還日朝見護喪官并各執事冠服同啓奠遣奠靈輿至墳所 皇上皆遣祭一壇護喪官行禮 路祭文武官等衙門共祭一壇 皇親駙馬共祭一壇俱西直門外席殿行禮祭畢而回其護喪官并墳所執事官待葬畢回凡回還官員俱易烏紗帽青衣黑角帶次日以後常服辦事 一下葬 皇上遣祭一壇 母妃以下祭同前俱內侍官於將葬時行禮葬畢行贈禮如儀掩壙後 皇上遣祭一壇俱護喪官行禮掩壙畢題主官題 主訖護喪官獻酒贊讀祝禮畢安神 皇上遣祭一壇葬畢祀后土遣工部堂上官行禮 一百日

期年每次 皇上遣祭一壇 母妃以下祭同前

穆宗隆慶元年加謚 憲懷太子 靖悼王儀 前期一

日鴻臚寺官設 節案內侍官設 冊輿二并香亭於

皇極門東是日早遣官以 冊謚告 奉先殿 上

具素翼善冠麻布袍腰經親告 世宗肅皇帝几筵各

用祝文祭品如常歲至期 上仍具前冠服御 皇極

門百官俱照常烏紗帽素服黑角帶班行叩頭禮畢左

右侍班遣官就拜位序班舉 節案置於中贊五拜三

叩頭禮畢序班舉 節內侍舉 冊輿香亭俱由左階

降鴻臚寺奏禮畢 上還錦衣衛官交接 節 冊輿

香亭由 午門等左門出 遣官隨行至墳園行禮太

常寺先於墳園陳設祭品如常儀鴻臚寺設 節案于享殿內正中 冊案二於左右設香案于節案前內侍官設主案二於殿東置淨水刷子粉盞筆硯盥盆帨巾等物候 節 冊輿至墳園由中門進至享殿前捧節冊官捧由殿中門入各置於案導引官引遣官至香案前上香贊宣冊宣冊官取 憲懷太子冊立宣訖仍置于案贊宣 冊宣冊官取 靖悼王冊立宣訖仍置于案執事官隨舉主案于香亭前稍東西向題主官進至主案前東立西向內侍官二員分詣神牀前跪啓謹請 憲懷太子及 靖悼王神主敬用奉題內侍官各盥手捧主安于案上洗磨簠字別塗以粉中書官重寫題主

官監手各奉題訖內侍官奉 主各安于神座跪啓謹

請 憲懷太子神靈上神主謹請 靖悼王神靈上神

主內贊贊遣官奠獻讀祝行禮如常儀禮畢內侍官啓

匱復 主奉安于神座訖次日遣官持節復 命

親王喪禮 喪聞 上輟朝三日禮部奏遣官掌行喪

祭禮翰林院撰祭文謚冊壙誌文工部造銘旌差官造

墳國子監取監生報計各 王府 御祭聞喪一壇牲

用牛犢羊豕餘祭止用羊豕 太皇太后 皇太后

東宮各一壇在京文武衙門各一壇七七下塋百日常

年二周年除服 御祭各一壇 下塋以上凡 御祭及

總差侯伯一員行禮周年以下三 東宮文武衙門二祭

其祭物本布政司轉屬買辦冥器喪儀本處各該衙門  
成造其初喪本國內禁屠宰三日禁音樂嫁娶至葬畢  
乃止其封內文武衙門各祭一壇非封內者不弔祭發  
引在城軍民會送其大小殮七七百日遷柩奠發引下  
葬題主虞禮本府俱自有祭祀 其服制 王妃世子  
衆子及 郡王郡主下至宮人俱斬衰三年封內文武  
官員齊衰三日哭臨五日而除在城軍民俱素服五日  
郡王衆子郡君爲兄及伯叔父服齊衰期年 郡王  
妃服小功五月

親王妃喪禮 喪聞 御祭一壇 太皇太后 皇太  
后 中宮 東宮公主各祭一壇翰林院撰祭文壙誌

文工部造銘旌行布政司委官開壙合葬及轉屬買辦  
祭祀品物祭用羊豕國子監取監生報計各王其冥器喪儀  
本處各該衙門成造繼妃次妃祭禮同其夫人則御  
祭一壇俱造壙祔葬

公主喪禮 喪聞 上輟朝一日 御祭一壇 皇太  
后 中宮 東宮各祭一壇各 公主共祭一壇翰林  
院撰祭文壙誌文戶部給齋糧一百石工部造銘旌神  
主窆帛棺槨墳壙誌石冥器儀仗順天府買辦麻布一  
百疋及真亭絲卓長明燈油等物欽天監差官選地擇  
日國子監取監生報計各 王孝服花冠等件內府內  
官監等衙門成造其七七百日周年二周年除服 御

祭各一壇下塋輟朝一日 上位 皇太后 中宮

東宮 公主各祭一壇 皇親命嬪其一壇公侯伯都

督命婦其一壇六部等衙門四品以上官命婦其一壇

都指揮指揮命婦其一壇其啓土遷柩祖奠過門過橋

掩壙題主奉安神主虞祭各祭物俱光祿寺備辦

世宗嘉靖二十三年未封 公主喪禮 喪聞 賜封

御祭一壇 皇妃其祭一壇 祿王 景王其祭一壇

公主其祭一壇 涇簡王妃祭一壇 俱用素饌遣 欽

天監差官擇地并選出殯等項日則工部差屬官一員

造墳享堂等項破土祀 后土遣大臣行禮發引 御

祭一壇 皇妃以下祭同前 俱用素饌遣 靈柩由東

上南門東上北門北中門北安門出各祭一壇內行禮西直門

祭一壇太常寺官行禮工部內監官于墳所安設享堂各用儀

物俱行 內府該衙門預行製造錦衣衛撥旗校擺路

教坊司撥女樂并樂人三百員名送至墳所 靈柩至

墳及下葬各 御祭一壇內用素饌遣掩土後祀 后土

并題 神王安神各祭俱遣大臣行禮百日周年二周年每次

御祭一壇 皇妃以下祭數同前俱用素饌開喪下

葬并免輟朝

郡王喪禮世子以下喪禮附 喪聞 上輟朝一日翰林院撰

祭文謚冊塋誌文工部造銘旌行人司差官掌行喪葬

禮國子監取監生報計各 王其祭初聞喪 御祭一



壇 東宮一壇在京文武衙門各一壇七七百目下葬

周年二周年除服

御祭各一壇

下葬以上諸祭總遣行人一員行禮周年

以下請布次司官行禮

本布政司委官造墳安葬及轉屬買辦祭

物

祭用

冥器喪儀等本處各該衙門成造

郡王妃喪

禮與

親王妃同惟聞喪無公主祭一壇造墳合葬

郡王繼妃次妃喪禮俱與正妃同造墳祔葬

今上萬曆七年更定

親郡王儀賓祭葬一體併革凡

郡王將軍中尉郡縣主君墳價嘉靖四十四年議定俱

免給

今更定

郡王墳價量給一半若係

帝孫者

照舊全給其將軍以下並免

凡

親郡王將軍等葬

俱世長子一人送至墳所當日即回

凡王葬妃及將

軍等塋其妻得親至墳所看視一次當日卽回 凡將  
軍病故無嗣者其塋許弟一人送至墳所當日卽回  
凡妃夫人病故無嗣者其塋許姪一人送至墳所當日  
卽回 凡宗室爲事送發高墻病故安塋在彼其女及  
壻願留供祀者鳳陽府月給衣糧三石 凡王府奏討  
墳戶嘉靖三年准發附近民人二名看守 萬曆九年  
議准 親王每墳撥給軍校五名 郡王不許一槩濫  
給 凡親王致祭舊例遣侯伯給 勅行嘉靖四十四  
年議罷止差卿寺五品以上官或禮部司官前去照行  
人差至郡王府給精微批不必請 勅

世子喪禮 聞喪 御祭一壇 東宮祭一壇七七百

日下葬周年二周年除服

御祭各一壇

俱遺本布政司官行禮

翰林院撰祭文謚冊壙誌文工部造銘旌國子監取監生報計各王本布政司委官造墳安葬轉屬買辦祭物冥器喪儀等本處各該衙門成造

長子喪禮

聞喪

御祭一壇下葬百日周年除服

御祭各一壇

自長子至中尉諸祭俱遺本府長史等官行禮翰林院撰祭文本

布政司造墳安葬轉屬買辦祭祀品物

世孫喪禮

聞喪

御祭一壇

東宮祭一壇下葬百

日周年除服

御祭各一壇翰林院撰祭文布政司造

墳安葬轉屬買辦祭物

凡鎮國將軍喪禮與世孫同

凡輔國將軍喪禮無周年除服二祭餘與鎮國將軍

同 奉國將軍喪禮無下葬百日周年除服四祭餘與  
輔 國將軍同 凡鎮國輔國奉國中尉喪禮 御祭  
各一壇鎮輔二中尉有司造墳安葬奉國中尉有司量  
與造墳 凡世子妃世孫妃喪禮俱與郡王妃同 凡  
郡主喪禮與郡王妃同惟無壙誌文 凡鎮國將軍夫  
人下至中尉安人俱 御祭一壇造壙合葬 凡縣主  
郡君縣君喪禮 御祭 中官祭俱一壇造墳安葬鄉  
君止 御祭一壇 自王妃至安人鄉官諸祭俱遺本府內君行禮 凡宗室庶  
人并母妻喪所在有司會同該府教授等官於本處空  
閑相應地內造壙葬之今革

累朝頒遺詔事例

太祖洪武三十一年五月甲寅 上不預閣五月乙酉召  
齊泰受 顧命輔 皇太孫 上崩於西宮壽七十一  
遺詔 皇太孫嗣位

成祖永樂二十二年七月己丑 上親征阿魯台班師  
車駕次蒼崖戌 上不豫庚寅車駕次榆木川 上大  
漸 遺命傳位 皇太子且云喪服禮儀一遵 太祖  
皇帝遺制辛卯 上崩太監馬雲等以六師在遠外秘  
不發喪密與楊榮金幼孜議喪事一遵古禮舍飲畢載  
以龍輦所至 御幄朝夕上食如常儀壬辰 龍輦次  
雙筆峯楊榮等奉 遺命馳討皇太子 八月癸卯朔  
甲辰楊榮及 御馬監少監海壽至自行在致 大行

皇帝遺命 皇太子哭慟幾絕進榮等問故復慟哭

皇太孫 親王以下皆慟哭易服宮中設几筵朝夕哭

奠 皇太子命 皇太孫馳赴開平奉迎 大行皇帝

龍輿以 先帝所 賜東宮圖書親授之曰此 大行

皇帝初授我者今吾以授汝但有事來報 卽用此識

之 皇太孫稽首受之遂行 皇太子命行營大小官

軍悉聽 皇太孫節制乙巳百官素服朝夕哭臨 思

善門外巳酉龍輿次鵬鶚 皇太孫至 御營哭迎軍

中始發喪六軍號慟 壬子 皇太孫奉 龍輿及郊

皇太子親王及文武羣臣皆衰服哭迎至 大內奉

安于仁智殿 九月癸未禮部尚書呂震奏 太宗皇

帝遺命喪一如太祖高皇帝倣漢制以日易月今已踰二十七日請上釋衰服烏紗冠素服黑角帶臨朝上命六部都察院詳議以聞震與部院共奏宜素服烏紗冠黑角帶羣臣皆從吉服上曰梓宮在殯朕何忍遽易自是臨朝素帶麻衣麻經朝退仍衰服十二月初太宗班師疾作頓劇已而崩於榆木川中官馬雲等皆倉惶莫知所措密召榮幼孜入幕中榮等循古制用衾衾殯歛或有欲以他事駕勅用賁遣人馳報者榮曰先帝在卽稱勅賓天而稱獲罪非輕乃令中官以先帝崩逝月日并遺命傳位之意具啓馳報榮初抵京上哀慟未及訪問至定有以爲言者遂

降勅獎諭之

仁宗洪熙元年五月庚辰上不豫召蹇義楊士奇黃淮  
楊榮至思善門命士奇寫勅遣中官海壽馳召  
皇太子辛巳上疾大漸遺詔天下傳位皇太子  
是日上崩于欽安殿宮中以皇太子未至未發喪  
沐浴襲奠飯含如禮六月辛丑皇太子至自南京  
頒遺詔於天下

宣宗宣德十年春正月癸酉朔上不豫乙亥上崩於  
乾清宮壽三十八皇太子方九歲祖母張太后取  
金符入內浮言籍籍楊榮楊士奇哭臨畢請見皇太  
子卽叩頭呼萬歲羣臣亦隨呼萬歲浮議乃息



英宗天順八年春正月 上不預既而大漸 諭慶後事

命太監牛玉執筆書之一曰 東宮卽位百日成婚

二曰定 后妃名分三曰勿以殯御殉葬四曰殯飲器

服從舊書畢 命王持付閣臣潤色玉至閣李賢與陳

文彭時驚愴捧誦歎曰所言關大體非 上英明不能

及此而止殉一事尤高出古今真盛德事也十七日庚

午 上崩

憲宗成化二十三年八月庚辰 上不豫甲申 命皇

太子暫視朝於 文華殿文武百官朝 皇太子如常

儀 戊子 上大漸召 皇太子至 命早卽 帝位

敬 天法 祖勤政愛民與凡 國事之切要者 誨

諭備至 太子頓首受 命己丑 上崩壽四十一  
遣詔諭文武羣臣

孝宗弘治十八年五月 上不豫初六日昧爽司禮監戴  
義出 左掖門急宣劉健李東陽謝遷入 乾清宮至  
寢殿 上便服坐榻中健等叩頭 上令近前健等直  
叩榻下 上曰朕承 祖宗大統在位十八年今年三  
十六歲矣乃得此疾殆不能興故與先生每相見時少  
健等曰 陛下萬壽無疆偶爾違和暫須調攝安得遽  
爲此言 上曰朕自知之亦有天命不可強也因呼水  
漱口掌御藥事太監張愉勸 上進藥不吞 上又曰  
朕爲 祖宗守法度不敢怠荒凡天下之事先生每多

費心因執劉健手若將永訣者 上又曰朕蒙 皇考  
厚恩選張氏爲 皇后生 東宮今十五歲矣尚未選  
婚 社稷事重可亟令禮部舉行皆應曰諸時司禮太  
監陳寬李榮蕭敬等皆至羅跪榻外 上曰授遺旨太  
監扶案李璋捧筆硯戴義就榻前書之 上又曰 東  
宮聰明但年幼好逸樂先生每勤請他出來讀書輔他  
做好人健等皆叩頭曰臣等敢不盡力健等遂出調  
旨傳禮部行之初七日 上崩

武宗正德十六年二月 上不豫 三月十四日丙寅  
上崩遺詔曰 皇考孝宗皇帝親弟 興獻王長子某  
聰明仁孝德器夙成倫序當立遵奉 祖訓兄終弟及

之文告于 宗廟請于 慈壽皇太后卽日遣宮迎取  
來京嗣 皇帝位

世宗嘉靖四十五年 月 世宗遺詔曰朕以宗人入繼  
大統獲奉 宗廟四十五年深惟享國長久累朝未  
有乃茲弗起夫復何憾但念朕遠奉 列聖之家法近  
承 皇考之身教一念惓惓本惟敬天勤民是務祗緣  
多病過求長生遂致奸人乘機誑惑禱祠日舉土木歲  
興郊廟之祀不親朝講之儀久廢旣違 成憲亦負初  
心邇者天啓朕衷方圖改轍而遭嬰疾疾補過無由每  
一追思惟增愧恨蓋愆成美端仗後賢 皇子俗王某  
仁孝夫植庸智夙成宜上遵 祖訓下順羣情卽 皇

帝位勉修令德勿過毀傷喪禮依舊制以日易月二十  
七日釋服祭用素饁毋禁民間音樂嫁娶宗室親郡  
王藩屏爲重不可輒離封域各處總督鎮巡三司官地  
方攸繫不許擅去職守聞喪之日各止於本處朝夕哭  
臨三日進香差官代行衛所府州縣井土官並免進香  
郊社等禮及朕祔塋樹享各稽祖恩舊典斟酌改  
正自卽位至今建言得罪諸臣在者召用致者卹錄見  
監者卽先釋放復職方士人等悉照情罪各正刑章齋  
醮工作採買等項但經勞費之惠悉皆停止於戲子以  
繼志述事兼善爲孝臣以將順匡救兩盡爲忠尚體至  
懷用欽永命詔告中外咸使聞知

加謚儀

世宗嘉靖十七年加上太祖高皇帝高皇后謚號儀  
是歲上既尊皇天上帝恭號遂以其日加上皇  
祖謚號曰太祖開天行道肇紀立極大聖至神仁文  
義武俊德成功高皇帝高皇后謚號曰孝慈貞化  
哲順仁徽成天育聖至德高皇后恭上冊寶于太  
廟先期上親奏告于皇天上帝分命大臣告于  
北郊太社稷帝社稷翰林院撰祭告文太常寺  
辦牲醴如時禋儀命捧冊捧列聖主大臣八員司  
設監設冊寶按四干奉天殿冊東寶西設  
冊寶綵輿四干丹陛上設香亭于冊寶輿前教坊

司設中和樂大樂錦衣衛設鹵簿大駕并舉輿亭官校  
司設監及太常寺官設冊寶案于太廟神座前設  
上拜位于殿內正中至日上捧皇祖主中宮  
捧高皇后主助行亞獻文官四品以上武官三品以  
上命婦隨班列東西近兩廡稍北障以帷幕俱先期由  
東安門入太廟候親王功臣設位兩廡用酒果  
脯醢不奠獻是日文武百官先俱朝服於金水橋南東  
西向立其陪祀文武等官各具祭服於廟街門北向  
立上冕服御華蓋殿鴻臚卿奏請行禮導駕官導  
上出至奉天殿內侍官捧各冊寶置於案鴻臚  
寺官舉案由殿中門出導駕官導上隨行至丹陛鴻

臚寺官捧 冊寶各置於輿內錦衣衛官督舉輿 止  
乘輅轎出 奉天門降輅陸輅侍衛鼓吹如儀導駕官  
退 冊寶與至金水橋用文武百官皆跪候過輿隨至  
廟街門退 冊寶輿入 廟街門內陪祭官皆跪候  
過輿 上至 太廟門降輅 冊寶輿至丹陛下太常  
寺堂上官二員捧 皇祖冊寶內侍官二員捧 高皇  
后冊寶由中門入至 神御前東西向立太常寺導引  
官導 上由殿左門至寢殿 上捧 皇祖主 中宮  
捧 高皇后主出正殿陸座捧主官捧 列聖主去櫃  
東西向立典儀唱樂舞生就位執事官各司其事內贊  
奏就位典儀唱迎神樂作內贊對引官導 上至香案



前三上香訖復位四拜

傳贊同

典儀唱舉

冊寶樂作奏

跪

傳贊同

樂暫止捧冊官以

皇祖冊跪進于

上右

上受

冊獻訖仍授捧冊官捧冊官以

高皇后冊跪

進于

上左

上受

冊獻訖仍授捧冊官捧寶官以

皇祖寶跪進于

上右

上受

寶獻訖仍授捧寶

官捧寶官以

高皇后寶跪進于

上左

上受

寶

獻訖仍授捧寶官典儀唱宣

冊宣冊官二員以次跪

宣訖置于案唱宣

寶宣寶官以次跪宣訖樂復作內

贊奏俯伏興平身

傳贊同

捧圭官各恭捧

列聖王陞座

典儀唱奠帛行初獻禮樂作內贊對引官導

上至

神御前奏獻司爵訖奏復位捧圭官詣

各廟上香獻

帛爵訖奏跪

傳贊同

讀祝讀祝官讀訖樂作奏俯伏興平

身傳贊

樂止典儀唱行亞獻禮樂作女官奏禮

中宮

獻

太廟爵皇妃八氏獻

八廟爵

同初獻不讀祝

樂止典儀

唱行終獻禮樂作

同亞獻

樂止太常卿唱賜福胙

上飲

福受胙訖俯伏興復位奏四拜

傳贊同

典儀唱徹饌太常

卿詣

神位前奏禮畢請

還宮內贊奏四拜

傳贊同捧

祝捧帛各詣燎位樂作樂止俱如常禮畢

上捧皇

祖主

中宮捧

高皇后主太常并內侍官捧

冊寶

詣寢殿奉安捧主官捧

列聖主各詣寢殿奉安訖

上還宮大樂鼓吹振作

祝文

維嘉靖某年歲次某

月某朔某日

孝玄孫嗣皇帝

御名

敢昭告于

皇祖

太祖開天行道肇紀立極大聖至神仁文義武俊德成  
功高皇帝 孝慈貞化哲順仁徽成天育聖至德高皇  
后曰適尊 聖謚宜獻既成奉 列聖帝后來賀 玄  
孫躬率 婦皇后方氏暨文武羣臣偕其命婦敬申祭  
慶之情惟冀 聖神之鑒永享 尊稱大膺 洪號玄  
孫微名 無任激切率額之至尚 享 是歲 上肇舉

明堂大享禮乃告于 郊 廟 社稷以九月十一  
日尊 太宗廟號爲 成祖謚曰啓天弘道高明肇運  
聖武神功純仁至孝文皇帝尊 皇考廟號爲 睿宗  
謚曰知天守道洪德淵仁寬穆純聖恭儉敬文獻皇帝  
同日異時行禮 先期四日太常寺奏致齋太常卿同

光祿卿奏省牲如常儀次日司設監設大次于南郊  
外壇神路之東又次日上常服御奏天門錦衣衛  
備隨朝駕上至南郊卽大次易服詣圓丘奏告文  
武官列該陪祀者具祭服於南天門外陪拜其原遣  
北郊太廟成祖廟昭羣廟穆羣廟睿宗廟  
社稷壇祭告官皆以是日具祭服行禮先期一日  
內侍官設冊寶案四千奉天殿冊東寶西設  
冊寶綵輿四千丹墀內設香亭千冊寶輿前教坊司設  
中和韶樂及大樂錦衣衛設鹵簿大駕并舉輿亭官校  
司設監及太常寺官設冊寶案于成祖廟睿宗  
廟各神座前設上拜位于二廟殿內正中設其服

御幄于二廟戟門左是日早免朝鐘鳴文武百官具朝服于金水橋南東西向序立文官五品以上武官四品以上六科都給事中皇親指揮以下千百戶等官各具祭服于廟街門內北向序立上冕服御華蓋殿鴻臚寺官奏請行禮導駕官導上出至奉天殿內侍官捧各冊寶置于案鴻臚寺官舉案由殿中門出導駕官導上隨行至丹陛下鴻臚寺堂上官捧冊寶各置于輿內上出奉天門降轎陞輅侍衛鼓吹如儀導駕官退冊寶輿至金水橋南文武百官皆跪候過輿隨至廟街門退冊寶輿入廟街門陪祀官皆跪候過輿上至太廟門降輅冊寶輿

至 二廟門外太常寺堂上官四員捧 冊寶由中門  
入至 神御前東西向立 冊東 寶西陪祀官先赴  
成祖廟丹墀內東西序立太常寺導引官導 上至  
成祖廟左門由殿左門入寢殿左門請 主出正殿  
奉安訖典儀唱樂舞生就位執事官各司其事內贊奏  
就位 上就位迎 主上香奏四拜俟 上至 冊寶  
案前內贊奏進 冊寶捧冊官以 冊跪進于 上右  
上受 冊獻訖仍授捧冊官置于案捧寶官以 寶  
跪進于 上左 上受 寶獻訖仍授捧寶官置于案  
內贊奏宣 冊太常寺官取 冊跪于 上右宣訖置  
于案內贊奏宣 寶太常寺官取 寶跪于 上左宣

訖置于案俯伏興復位奠帛行初獻禮以後俱如常儀

禮畢 上捧 主太常寺官捧 冊寶先行詣寢殿奉

安訖導引官導 上出 太廟門東乘板轎詣 睿宗

廟 上至廟門外降轎至戟門外太常寺導引官導

上由左門入 上冊寶如 成廟儀畢太常卿跪奏請

睿宗獻皇帝謁 祖祔享遣官捧 神主降座陞輿

祔享于 太廟儀具升 祝文維嘉靖某年歲次某月

某朔某日 孝玄孫嗣皇帝御名 敢昭告于 成祖啓

天弘道高明肇運聖武神功純仁至孝文皇帝 仁孝

慈懿誠明莊獻配天齊聖文皇后曰適玄孫躬率羣臣

加上 聖號既畢宣奉之禮用申燕賀之情惟我 皇

祖永歆孝念尚 享 二十七年 孝烈皇帝冊謚儀  
先期遣官告于 太廟用牲醴祝文如常儀是日 上  
常服 御奉天門樂設而不作正副常服百官淺色服  
黑色帶入班行叩頭禮畢左右侍班正副使人就拜位  
替四拜禮序班舉 節 冊案于正中置定正副使行  
五拜三叩頭禮畢序班舉案行正副使後隨鴻臚寺奏  
禮畢上還百官詣 思善門外侍立 節冊至 右順  
門正副使捧由中門入至殿陛上置于案內贊奏就位  
上香贊宣 冊太常寺官取 冊立宣訖復置于案贊  
禮畢贊百官行四拜禮退正副使持節復 命

穆宗隆慶元年進呈 尊謚議文儀 先是 勅諭文武



羣臣議上 尊謚至期前一日鴻臚寺官于 宣治門

設 謚議文案是日早 上具衰服 御宣治門捧

謚議官立于階之東文武百官各具素冠服詣丹墀贊  
行四拜禮興禮部官出前跪奏進 尊謚議文案畢復

位序班二員引班首官稍進前捧 謚議官以文授班

首官班首官受 謚議文由中道進將至 御前序班

贊進 尊謚議文 上起至 謚議文案之北班首官

進 謚議文置于案贊跪百官皆跪 上覽畢召翰林

院官趨至前跪 上以 謚議文授翰林院官 命撰

謚冊文翰林院官受訖捧從中道出 上復坐贊俯

伏興班首官與百官俯伏興班首官復位贊行四拜禮

畢序班徹案 上還

加謚頒詔儀

穆宗降慶元年定先期鴻臚寺設 詔案于 皇極殿內  
東錦衣衛設傘蓋于 皇極殿前至日早百官各具素  
服烏紗帽黑角帶于 承天門外伺候 上御中極殿  
具黑翼善冠白素袍黑犀帶執事官先行五拜三叩頭  
禮鴻臚寺官奏請陞殿導駕官導 上御皇極殿鳴鞭  
訖序班舉 詔立于左鳴贊唱頒 詔翰林院官以  
詔授禮部官禮部官受 詔置于案序班舉案由殿左  
門出錦衣衛用傘蓋迎至承天門上百官入班贊唱四  
拜稱有 制唱跪開讀訖再唱行四拜禮鴻臚官傳奏

禮畢百官退 詔書迎至禮部授使者頒行天下 正  
月十七日葬永陵

加謚并改題神主儀

穆宗隆慶元年定先期題請遣官持 節捧 冊寶詣  
陵園行禮并改題 神主 一先一日鴻臚寺設 節  
案內侍官設 冊寶輿香亭俱于 皇極門東 一是  
日早遣官以加謚 孝懿皇后告 奉先殿 上具素  
翼善冠麻布袍腰經親告 世宗皇帝几筵各用祝文  
祭品如常儀至期 上仍具前冠服 御皇極門百官  
俱照常烏紗帽素服黑角帶入班行叩頭禮畢左右侍  
班序班引遣官入就拜位序班舉 節案于 皇極門

正中遣官行五拜三叩頭禮畢序班舉 節案內侍官  
舉 冊寶與香亭俱由左階降鴻臚寺奏禮畢 上還  
宮錦衣衛官校接擡 節冊寶與香亭由 午門左門  
出鼓樂前導設而不作遣官隨行至 陵園行禮 一  
是日太常寺先于 陵園陳設祭品如常儀鴻臚寺設  
節冊寶案于 享殿內 節中 冊左 寶右設香  
案于節案前內侍官設主案于殿東置淨水刷子分盞  
筆硯盥盆帨巾等物候 節冊寶與至 陵園由中門  
入至 享殿前捧 節冊寶官捧由殿中門入各陳設  
于案內贊贊遣官就位贊上香贊宣 冊宣冊官取  
冊立宣訖復置于案贊宣 寶宣寶官取 寶立宣訖

復置于案執事官隨舉主案于香案前稍東西向題主  
官進至主案前東立西向內侍官至 神牀跪奏謹請  
孝懿皇后神主恭用奉題內侍官盥手捧 主安于  
案上洗磨舊字別金以粉中書官重寫題 主官盥手  
奉題訖內侍官奉 主安于 神座跪奏謹請 孝懿  
皇后神靈上神主內贊贊遣官奠獻讀祝行禮如常儀  
禮畢內侍官啓櫬覆 主奉安于 神座訖 冊寶收  
貯 享殿次日遣官持節復 命

祔廟儀

世宗嘉靖十七年定 睿宗獻皇帝祔廟儀 先期一日  
太常寺設牲醴于 太廟如時禘禮祭日司設監官設

睿宗獻皇帝神座衣冠於孝宗敬皇帝位之次至  
日恭上册寶于睿廟畢遣官捧睿宗主降座陞與  
徐行上先入詣太廟寢捧太祖主遣官捧各  
廟主各奉安于太廟睿宗主與至丹陛下太常卿  
跪奏請降輿遣官捧主至丹陛初登輿儀唱樂舞生  
就位執事官各司其事至丹陛上門外唱迎神樂作  
此樂歌 唱二遍 睿宗獻皇帝謁廟上捧主入就拜褥  
上內贊奏跪太常卿跪奏孝玄孫嗣皇帝御名躬奉  
皇考睿宗知天守道洪德淵仁寬穆純聖恭儉敬文  
獻皇帝叅拜內贊奏興拜五拜三叩頭禮畢捧主朝  
上立太常卿進立于東北西向唱賜座安主于座

訖內贊奏四拜

傳贊陪祀官同

典儀唱奠帛行初獻禮樂作導

引官導

上至

太祖神主前奏搢圭奏獻帛獻訖奏

獻爵獻訖奏出圭奏復位

各廟捧圭官捧帛爵詣

各廟獻訖奏請讀祝位內贊奏跪奏讀祝官讀訖

奏俯伏興平身

傳贊同

奏復位樂止典儀唱行重獻禮樂

作

儀同初獻惟不獻帛讀祝

樂止典儀唱行終獻禮樂作

儀同樂止

太常寺卿進立西向唱

賜福胙內贊奏跪奏搢圭光

祿寺官以福酒跪進內贊奏飲福酒

上飲訖光祿寺

官以福胙跪進內贊奏受胙

上受訖奏出圭俯伏興

平身奏四拜

傳贊同

典儀唱徹饌樂作執事官徹饌訖樂

止太常寺卿詣

神主前跪奏禮畢請

還宮樂作內

贊奏四拜

傳贊同

樂止典儀唱讀祝官捧祝進帛官捧帛

各詣燎位樂復作內贊奏禮畢樂止

上捧

太祖王

遣官捧

各廟主捧

睿宗王各詣

寢殿奉安

上

易服還宮大樂鼓吹振作

祝文

維嘉靖某年某月

某日

孝玄孫嗣皇帝

御名

敢昭告于

太祖高皇帝

孝慈高皇后

成祖文皇帝

仁孝文皇后

仁宗

宣宗

誠孝昭皇后

皇高祖考宣宗章皇帝

皇

高祖妣孝恭章皇后

皇曾祖考英宗睿皇帝

皇曾

祖妣孝莊睿皇后

皇祖考憲宗純皇帝

皇祖妣孝

貞純皇后

皇伯考孝宗敬皇帝

皇考睿宗獻皇帝

皇兄武宗毅皇帝

孝靜毅皇后曰茲者恭上

皇



考廟號尊謚禮成爰奉 神主謁 祖祔祭迎延 列

聖同賜鑒歆謹此躬祭之誠以申合享之禮尚 享

十八年定 獻皇后祔廟儀 梓宮發引南祔至通州

卽以其日題 主次日奉 神主入 慈寧宮

儀具喪禮下

俟南祔葬畢祔 廟先期太常寺奏祭祀請 欽命大

臣九員以祔享告于 太廟 羣廟八員候祭日捧

各廟神主 諭文武官及命嬪照例陪祭先期一日太

常寺官設牲醴于 太廟司設監設 神座于 睿宗

廟錦衣衛設儀衛于 午門外是日早內執事設酒饌

于 慈寧宮設衣冠于几筵前進 神主輿于殿前設

衣冠輿于 丹陛上內導引官導 上詣拜位奏四拜

興立于拜位之東西向內侍官詣 靈座前跪奏請

慈孝獻皇后神主降座陞輿詣 太廟祔享奏訖 上

捧 神主由殿中門出奉安于輿內執事官捧衣冠置

于輿後隨內侍擎繖扇如儀 上至 右順門具祭服

陞輅後隨文武百官具朝服于金水橋南跪迎 神主

與候 駕過退文官四品以上武官三品以上陪祀命

嬪先由東安門入各就拜位東西近兩廡稍北障以帷

幕 駕至 太廟南門 各廟遣官捧 列聖帝后主

以次奉安 上降輅詣輿前跪太常寺官奏請 慈孝

獻皇后神主降輿 上搢圭捧 神主出輿由中入內

侍官捧衣冠隨入至 廟丹陛上典儀唱樂舞生就位

執事官各司其事唱迎神樂作典儀奏 慈孝獻皇后

謁 廟 上捧 神主入內侍官捧衣冠隨入內贊奏

就位 上捧 神主就位安于拜褥上太常寺卿奏

孝玄孫嗣皇帝 御名 躬奉 皇妣慈孝獻皇后祔 廟

參拜內贊奏五拜三叩頭禮 上捧 主朝上立太常

寺卿唱賜座 上捧 主安于 睿宗廟神座出主復

位導引官導 上至香案前上香如儀復位奏四拜 贊傳

衆同典儀唱奠帛行初獻禮 上至 太祖神位前獻帛

獻爵訖復詣 高皇后神位前獻爵復位 各廟俱捧

主官捧帛爵獻訖內贊奏讀祝讀訖俯伏興復位行亞

獻禮女官奏 中宮獻 太廟爵皇妃八氏獻 八廟

爵 上復行終獻如初獻禮畢飲酒受胙以至徹饌送  
神樂作樂止俱如儀禮畢 上捧 太祖主各捧主官  
捧 各廟主奉安于 寢殿捧 睿宗主官同內侍官  
捧 慈孝獻皇后主奉安于 睿宗廟禮畢 上還宮  
祝文 維嘉靖某年某月某日 孝玄孫嗣皇帝 御  
名謹昭告于 祖宗列聖帝后曰茲奉 皇妣慈孝貞  
順仁敬誠一安天誕聖獻皇后神主升祔 廟享恭申  
祇謁謹以牲牢醴齊粢盛庶品致祭伏惟尚 享

穆宗隆慶元年定 孝潔肅皇后祔廟儀先期內府該衙  
門恭製 太廟及 廟寢內 孝潔肅皇后合用神座  
儀物等項先一日遣官以升祔 世宗肅皇帝告于

太廟卽以 孝潔肅皇后祔享同告是日執事官設酒饌于 奉先殿西夾室內侍官設 神主與衣冠輿于 奉先殿左門外至期遣官以祔享告于 西夾室行禮如常儀告畢內侍官跪奏請 孝潔肅皇后詣 太廟祔享奏訖恭捧 神主及內侍官捧衣冠俱由左門出奉安于輿執事者擎執繖扇如儀至 午門內候世宗肅皇帝神主至以次迎至 太廟南門外太常寺官跪奏請 孝潔肅皇后神主降輿詣 太廟祔享內侍官恭捧隨 世宗肅皇帝神主由左門入又內侍官捧衣冠隨入立于 世宗肅皇帝衣冠之次 上捧世宗肅皇帝神主置于褥位訖內侍官捧 孝潔肅皇

后神主隨于禋位之右內侍官退

其謁廟賜生等禮儀俱與世宗肅

皇帝

祭畢

世宗肅皇帝神主還几筵內侍官捧孝

潔肅皇后神主奉安于

廟寢

其承祀同

世宗肅皇帝衣

冠奉安于

太廟俱第九室

### 改題神主儀

世宗改題

高廟神主先期

命題

王大臣二員翰林

院撰文太常寺備脯醢酒果如常儀司設監設題主案

于

太廟寢殿東西置淨水刷子粉盞筆硯設盥盆帨

巾中設香案是日早免朝鳴鐘文官三品以上武官公

侯駙馬伯

皇親指揮各具吉服于

廟街門北向序

立候

駕至陪拜

上具翼善冠黃袍乘板輿至太

廟門西降輿太常寺導引官導 上由殿左門入寢殿

上就位上香一拜叩頭畢至 神牀前跪太常卿跪

奏謹請 皇祖太祖高皇帝 孝慈高皇后神主恭用

奉題 上詣 皇祖神主前捧 王安于東案上內侍

官詣 高皇后神主前捧 王安于西案上 上復就

拜位北向立內侍官各洗去舊字別塗以粉中書官重

寫題 主官東西向立奉題訖 上捧 皇祖王安于

座內侍官捧 高皇后王安于座 上跪太常卿跪奏

謹請 皇祖太祖開天行道肇紀立極大聖至神仁文

義武俊德成功高皇帝神靈上神主降殿奉享又跪奏

謹請 孝慈貞化哲順仁徽成天育聖至德高皇后神

靈上神主降殿奉享 上捧 皇祖主內侍官捧 高

皇后主導引官導出正殿陞神座 上就拜位唱迎神

內贊對引官導 上至香案前三上香訖奏復位奏四

拜傳贊同 典儀唱奠帛行初獻禮導引官導 上至 皇

祖神御前 高皇后神御前各奏獻帛獻爵訖奏復位

奏跪傳贊同 贊讀祝讀訖奏俯伏興平身傳贊同 典儀唱行

亞獻終獻禮如儀太常卿詣 神御前跪奏禮畢請

還宮內贊奏四拜興平身傳贊同 典儀唱捧祝捧帛各詣

燎位內贊奏禮畢 上捧 皇祖主內侍官捧 高皇

后主詣寢殿奉安訖導引官導 上出 太廟門西陞

輿還宮 祝文 維嘉靖某年某月某朔某日 孝玄



孫嗣皇帝

御名

敢昭告于

太祖開天行道肇紀立極

大聖至神仁文義武俊德成功高皇帝

孝慈貞化哲

順仁徽成天育聖至德高皇后曰玄孫恭于此月之初

尊

皇祖聖謚禮成卽擬拜書

神主玄孫幼而弗慎

至疾浹旬茲卜吉期敬敬奉

主更題旣虔爰申祭告

仰惟

聖慈攸歆尊事之誠永依萬世尚

享

世宗改題

成祖

睿宗神主先期司設監設香案于

成祖

睿宗二廟寢殿神龕前設題

主案于東置淨

水刷子粉盞筆墨于上又設盥盆帨巾于東是日早免

朝鳴鐘文官三品以上武官公侯駙馬伯

皇親指揮

各具吉服于

廟街門北向序立候

駕至陪拜

上

具異善冠黃袍乘板輿至 大廟門右降輿導引官導  
入 成祖廟左門由殿左門入寢殿 上就位上香一  
拜叩頭畢至 神床前跪太常卿跪奏請 成祖文皇  
帝 神王恭用奉題 上詣 神王前捧 王安于東案  
上 上復就拜位北向立內侍官洗去舊字別塗以粉  
中書官書寫題 王官盥手西向奉題訖 上捧安于  
座跪太常寺卿跪奏請 成祖文皇帝神靈上神王降  
殿奉享 上捧 神王導引官導出正殿奉安于神座  
上就拜位典儀唱迎神導引官導 上至香案前三  
上香訖奏復位內贊奏四拜傳贊 典儀唱奠帛行初獻  
禮 上至 神御前奠獻訖詣讀祝位讀訖奏俯伏興

平身傳贊奏復位典儀唱行亞獻禮同初獻唱行終獻

禮同亞太常卿詣神御前跪奏禮畢請還宮內贊

奏四拜平身傳贊典儀唱捧祝捧帛各詣燎位內贊奏

禮畢上捧主詣寢殿奉安訖導引官導出太廟

門東乘板轎至肅宗廟門降轎導引官導上由殿

左門入行禮如成廟儀禮畢上還宮祝文維

嘉靖某年某月某朔某日孝玄孫嗣皇帝御名敢昭

告于成祖啓天弘道高明肇運聖武神功純仁至孝

文皇帝仁孝慈懿誠明莊獻配天齊聖文皇后曰爰

用是辰恭題神主更書御號奉慰安神仰惟我

祖萬禩永依玄孫無任瞻事之至謹告肅宗祝文同

改孝玄孫爲孝子我祖爲我考

奉慈殿忌辰祭服儀

今上萬曆四年題准凡郊廟奏祭祀日遇有忌辰則移前一日如致齋日內遇忌辰上具常服百官具青綠錦繡其正祭日遇忌者如祭在日間除臨時照常具祭服行禮本日祭前祭後與致齋遇忌同如夜分祭畢是日上仍淺淡服色百官青衣角帶辦事

弘孝神霄二殿奉遷神主儀

今上萬曆三年定先四日早內監官請捧孝烈皇太后神主孝恪皇太后神主洗滌重加粉飾中書官書寫命大臣一員改題題畢仍暫奉安于神座先期內侍

官設 神主與冊寶亭衣冠亭香亭各于 弘孝 神  
宵殿門外錦衣衛備繖扇儀衛是日早免朝行請奉遷  
禮 上常服詣 弘孝殿門外太常寺官導 上由殿  
左門入內贊奏就位奏上香奏三獻禮贊讀祝訖奏四  
拜奏禮畢女官導 仁聖皇太后 慈聖皇太后以下  
行禮畢復詣 神霄殿行禮如前司禮監官分請捧  
孝烈皇太后神主 孝恪皇太后神主各置于輿捧冊  
寶衣冠各置于香亭 神主與前行冊寶衣冠亭各以  
次候 上陞轎隨行由後左門中左門 皇極門至  
午門內 上降轎北立目送 二后神主與行門闔  
上陞轎還宮

嗣君卽位

太祖高皇帝洪武元年上自壬辰起兵歷十有七年至是  
戊申春正月乙亥卽 皇帝位 詔曰朕惟中國之君  
自宋運旣終天命真人於沙漠入中國爲天下主傳及  
子孫百有餘年今命運亦終海內疆土豪傑分爭朕本  
淮甸庶民荷 上天眷顧 祖宗之靈遂乘逐鹿之秋  
致英賢於左右凡兩淮兩浙江東江西湖湘漢沔閩廣  
山東及西南諸部蠻夷各處寇攘屢 命大將軍與諸  
將校奮揚威武皆已戡定民安田里今文武大臣百司  
衆庶合辭勸進尊朕爲 皇帝以主黔黎勉徇輿情於  
吳元年正月初四日告祭天地于鍾山之陽卽 皇帝

位于南郊定有天下之號曰大明以吳元年爲洪武元年是日恭請太廟追尊四代考妣爲皇帝皇后立人社大稷於京師以冊寶立妃馬氏爲皇后長子某爲皇太子布告天下咸使聞知十三年六月庚子朔詔受朝於正殿三十一年閏五月辛卯皇太孫卽皇帝位改元建文

建文帝四年六月丙寅諸王及文武羣臣請正天位丁卯諸將上表勸進戊辰諸王上表勸進己巳燕王謁孝陵還御奉天殿卽皇帝位詔曰昔我皇父太祖高皇帝龍飛淮甸汎掃區宇東抵虞淵西踰崑崙南跨交趾北際瀚海仁風義聲震盪六合肅爽聞

荷負重任無輕言 上對曰謹受教 駕行安陸民  
人老幼攀戀屢從內臣張佐戴承長史袁宗皋指揮駱  
安等凡四十餘人所過約束不擾至河南渡河有父老  
拿舟者曰昔我 聖天子初生之年此河清二百里者  
三日當時謂黃河清聖人出今果然矣 丁亥禮部員  
外郎楊應奎具合行禮儀途啓 上知此係楊廷和儀  
制郎中余才所擬請 上至京由東安門入居 文華  
殿次日文武百官于 文華殿朝畢三上箋勸請卽位  
候 令旨俞允擇日具儀壬寅 駕至良鄉 上覽禮  
部具儀謂袁宗皋曰 遺詔以吾嗣 皇帝位非爲  
皇子此所具儀何謂也癸卯 上至京城外 御行殿



楊廷和請上由東安門入居文華殿上箋勸進釋服登極上遂從行殿受筭由大明門入日中登極詔天下以明年爲嘉靖元年凡所開列一洗正德間敝政薄海內外無不鼓舞快觀

世宗嘉靖四十五年十二月庚子上還乾清宮疾甚明日崩是日內閣及文武大臣啓請裕王入主喪事王舉哀具黑翼善冠青布袍角帶由東安門入內外臣謹宿衛作梓宮辛丑小歛以大行皇帝賓天告奉先殿報計音子宗室諸王頒遺詔壬寅大歛壬子王卽皇帝位改元隆慶明年正月上尊謚堊永陵

聖宗隆慶六年 月 日 皇太子卽 皇帝位改元萬曆

大臣喪葬儀

太祖聞中山王計至被髮徒步往哭又親至龍江迎祭常  
開平鄧寧河 國初優禮大臣如此 洪武二年六月  
故征虜左副將軍中書平章軍國重事鄂國公常遇春  
卒於軍計聞 上命禮部議舉哀喪至龍江 上親出  
祭之 勅葬鍾山之陰 給明器九十事納之墓 贈  
開平王謚忠武仍王其三代後中山武寧王卒禮如遇  
春益以二王爲開國諸功臣冠故也自後 內閣首輔  
卒於任者如贈太師楊士奇楊溥李賢彭時贈太保費

宏太傅李時恩禮最號隆重然祭不過九壇齋糧麻布五十石足而已

英宗天順二年奏准文武大臣官爲造墳者夫故在前併造妻壙妻故在前併造夫壙後塋者止令所在官司起侍夫匠開壙安厝繼室則附塋其旁同一享堂不許另造

武宗臨祭張英公懋每一奠酒其家進五百金凡九奠南巡幸斬文僊第令胡僧遶座懺悔

今上萬曆十年六月故太師吏部尚書中極殿大學士張居正卒於位上賜齋壇麻布五十筒筒十疋米二百石香燭油薪稱是又與仁聖慈聖兩宮潞王

共贖白金二千三百兩 兩宮復 賜齋糧米麻布二  
百疋香燭油薪有差祭九壇外加七壇大約視 親王  
及國公之加帥傳者贈上柱國謚文忠遣官會布政司  
營壘仍 命京堂四品官錦衣衛堂上官各一員護喪  
其子嗣修等辭謝䟽上 上曰朕念先生承 先帝顧  
命鞠躬盡瘁歿而後已忠勞可憫他還有高年之母在  
京着差司禮監太監陳政護送還鄉馳驛前去然未幾  
奪其官并追一切 恩典

歷朝事例

武宗正德十二年奏准凡內臣病故乞葬者務查本官歷  
年深淺有無勤勞應該造墳或蓋享堂碑亭者定與等

第照例奏請不許一槩要行比乞

世宗嘉靖六年奏准職官造墳開墻工料價銀一品共計價銀三百兩夫匠二百名每名出銀一兩二品共計價銀二百五十兩夫匠一百五十名每名出銀一兩三品共計價銀二百兩夫匠一百名每名出銀一兩未經考滿者價銀夫匠減半給領開墻者不分品級崇卑止與夫匠五十名如有一府一州一時造墳數處在各省者聽本布政司官在直隸者聽撫按官酌派鄰近府州通融區畫病故大臣果有功德昭彰聞望表著公私無過者禮部擬奏差官造塋以示優崇并四品五品官員奉特旨賜塋者聽本部臨時斟酌奏請定奪 二十

七年奏准今後大臣病故例該造塋者其奏討差官查果合例本部方與題請如或例有未合止行各司府委官照依品級造塋

今上萬曆六年更定 凡文官三品以上不論已未考滿

其各父母妻必曾授本等封俱照例祭塋四品本身及

父母皆止一祭無塋而出自 特恩者不拘 凡一品

父母妻已授本等封於例祭外父母有加祭二壇者正德

十年妻有加祭一壇者弘治十年例係出 特恩取自 上

裁陳乞者不得輒援爲例 凡三品官曾經考滿者祭

一壇全塋未經考滿者祭一壇減半造塋正德六年例其以

侍郎兼學士贈尚書者祭二壇不拘已未考滿給與全

塋或兼官雖同非係贈尚書者止給與本等卹典不得  
槩援爲例 凡致仕養病終養聽用等項官員祭塋俱  
與見任官同革職閑住及先曾爲事謫戍遇蒙 恩詔  
辦復原職者祭塋俱不准給 凡文官二三品共實歷  
三年以上者雖未考三品滿父母准與三品祭塋三品  
四品共歷三年以上者雖未考滿四品父母准祭一壇  
若未及三年者不准正德九年例 其有未及三年而遇蒙  
恩詔父母已授本等封及父母先授外封後任京職考  
滿例不重封者俱照品級 給與應得祭塋嘉靖二十年例  
凡三品以上官有被劾致仕及先被劾冠帶閑住後  
奉 特旨復職者俱照例與祭塋洪治十年嘉靖二十七年例 若罪

過昭彰公論並棄者不拘見任致仕等項俱不准給其  
被劾閑住遇蒙 覃恩槩復職致仕者亦不准給被劾  
聽勘未明病故者務稽考其平生履歷人品高下功罪  
重輕議擬奏請定奪 凡公侯伯爲事未經勘實身故  
者其妻封雖未追奪亦從夫例止與祭一壇 凡左右  
部督都督同知都督僉事管府事及在外總兵病故者  
俱祭六壇照例造葬都督同知以上不分真署一體  
給祭葬署都督僉事止祭一壇不得妄援 凡興都正  
副留守俱祭一壇 凡以死勤事若抗節不屈身死綱  
常者犯顏諫爭身死國是者執銳先登身死戰陳者危  
城固守身死封疆者諸如此類開具實跡卹典取自



上裁其或城池失守戰陳敗衄以致殞命者不許一槩議給

十二年續定 凡公侯伯掌府坐營總兵加 太子太保以上者必查前項官銜因何加授果以勲勞進秩方許照會典公侯祭十六壇伯祭十五壇之例如係因事加 恩功業未副者止照勲臣二等事例與祭七壇其有不願坐營管府懇疏乞休者查其平生有功無過俱照見任優卹 凡三品以上致仕官其雅員時望懇疏乞休者照見任例 給與應得祭葬如被劾致仕及考察自陳致仕者二品曾經考滿祭葬准全給未經考滿者祭照舊葬價減半三品曾經考滿祭照舊半葬未經

考滿者有祭無葬四品雖經考滿亦不准祭其被劾自  
陳官負有日久論定原無可議者仍照舊給與祭葬父  
母妻曾授本等封者應得卹典亦視本身致仕緣由以  
爲差等不得濫給 凡三品以上被劾聽用聽調官員  
祭葬俱照今擬被劾自陳致仕官遞減之例如公論已  
明人品無玷仍准全給聽勘未明官負有陳乞卹典者  
仍行原勘撫按衙門查明無礙應否量給臨時題請定  
奪如果有顯過爲公論所不容無論聽用聽調聽勘徑  
照開任例俱不准給其父母祭葬亦稽其子功過以爲  
差等 凡京官三品陞四品者不拘四品已未考滿俱  
照三品未考滿例祭一壇半葬父母曾授三品封者與

同授四品封者止祭一壇其原以三品降調後歷陞四品者止照四品例不得妄行陳乞 凡三品父母曾授本等封者無論亡故先後一視其子以爲差等其已經考滿者祭葬全給未經考滿者祭一壇減半造葬 凡文官二品三品共歷三年以上者雖未考三品滿其父母曾授四品五品封准與三品祭葬三品四品共歷三年以上者雖未考四品滿其父母曾授五品封准祭一壇其未經授封及止授六七品封者不得援以爲例 凡三品官本生父母有值 覃恩乞以本身應得 誥命移封者身後量給祭一壇其授二品封者量給半葬 凡二品三品文臣曾經 賜葬者妻改在後俱許附葬 惟

授封夫人者例 給開壙價其餘不給若妻先故者除已封夫人照例祭葬外其餘俟夫故之日附葬 凡管府及總兵都督僉事止與祭四壇照品造塋其陞署都督同知者如之若由署都督僉事陞署都督同知者與祭二壇減半造葬 凡留守正副親軍衛分都指揮使等官贈都督同知者於本級上加祭一壇減半造葬 凡三品以上文官父母曾授本等封而子先亡故者萬曆元年題准查無違礙仍與應得卹典若被罪削籍本身原無祭葬父母雖經授封亦不准給 凡大臣父母先後病故者萬曆三年題准如父先以三品封 給祭葬其母後封一品夫人開壙合葬者准行工部量給壙

造土價以足一品之數 凡公侯襲爵未謝 恩病故者萬曆二年議准照伯襲爵未入例與祭一壇造葬凡奏請卹典萬曆元年題准兩京大臣病故應得卹典如見任公差於外者許各差撫按官勘明具奏其在家致仕養病給假等項病故者各地方有司具本官履歷緣由及病故日期申報撫按衙門覈實季終類奏中間果有行業超卓公論共推及罪過昭彰公論共棄者據實開列聽禮部議覆若大臣見在不拘見任致仕其父妻曾授本等封病故者許照例自行請乞其致仕在家等項子孫微弱官司之外不爲代奏者亦許子孫自行陳乞禮部仍行撫按勘明議覆若撫按官并所屬留難

者聽禮部及該科叅究

續文獻通考卷之一百三十二終